

ՀՀ Քաղաքացիության վերաբերյալ օրենսդրության փոփոխությունների մասին

Նախաբան

27.11.2023 թվականին և 04.01.2024 թվականին ուժի մեջ են մտել «Հայաստանի Հանրապետության Քաղաքացիության մասին» օրենքում («Օրենք») փոփոխություններ և լրացումներ¹ մտցնելու վերաբերյալ երկու օրենքներ: Սույնով ներկայացվում է Օրենքում հիմնական փոփոխությունների ամփոփ նկարագիրը:

Սահմանվել են քաղաքացիություն ստանալու նոր հիմքեր

Նախ և առաջ, Օրենքի գործող խմբագրությամբ լայնացվել է Հայաստանի Հանրապետության քաղաքացիություն ստանալու հիմքերի շրջանակը: Այսպես, ի հավելումն նախկինում առկա կարգավորումների, ՀՀ քաղաքացիություն կարող է ստանալ անձը,

որը ... ունի ՀՀ քաղաքացի գավակ **կամ ծնող**. (նախկինում կարգավորումը վերաբերում էր բացառապես ՀՀ քաղաքացի գավակ ունենալուն)

որի ծնողները (կամ նրանցից մեկը) նախկինում ունեցել են ՀՀ քաղաքացիություն, և **որը օրենքով սահմանված կարգով վերջին մեկ տարին մշտապես բնակվել է ՀՀ-ում** (նախկին կարգավորմամբ առկա չէր մգեցված կարգավորումը):

Այսպես, որպես քաղաքացիություն ստանալու հիմք ՀՀ քաղաքացի գավակ ունենալուց զատ սահմանվել է նաև ՀՀ քաղաքացի ծնող ունենալը:

Ինչ վերաբերում է երկրորդ կետով սահմանված փոփոխությանը, հատկանշական է, որ փոփոխությամբ համապատասխան հոդվածից **հանվել է նաև այն պահանջը, որ 18 տարին լրացած անձը երեք տարվա ընթացքում պետք է դիմում ներկայացներ ՀՀ քաղաքացիություն ստանալու համար (մինչև 21 տարեկանը)**: Ստացվում է, որ գործող կարգավորումների համաձայն քաղաքացիություն հնարավոր է ստանալ 1 տարի ՀՀ-ում մշտապես բնակվելու հիմքով (առանց դիմումատուի տարիքով պայմանավորված սահմանափակումների):

ՀՀ Քաղաքացիությունը դադարեցրած անձանց պարտավորությունների վերաբերյալ

Օրենքի փոփոխություններով ՀՀ Քաղաքացիությունը դադարեցրած անձանց համար սահմանվել է ՀՀ տարածքը լքելու կամ երկրում բնակությունն օրինականացնելու համար ժամկետ: Այսպես գործող կարգավորումների համաձայն.

¹ Օրենքի փոփոխությունները հնարավոր է գտնել [այստեղ](#) և [այստեղ](#):

«Հայաստանի
Հանրապետության
քաղաքացիությունը
դադարեցնելու վերաբերյալ
Հայաստանի
Հանրապետության
Նախագահի հրամանագիրն
ուժի մեջ մտնելու հետո
մեկամյա ժամկետում
Հայաստանի
Հանրապետության
քաղաքացիությունը
դադարեցրած անձր
պարտավոր
է օրենսդրությամբ սահմանված
կարգով դիմել Հայաստանի
Հանրապետությունում իր
բնակությունն
օրինականացնելու համար
կամ դուրս գալ Հայաստանի
Հանրապետության
տարածքից:»

Այստեղ հատկանշական է այն
հանգամանքը, որ նախկինում առկա
կարգավորումներով ևս ՀՀ-ում գտնվող
ցանկացած անձ ՀՀ-ում օրինական
բնակվելու իրավունք պետք է ունենար, և
քաղաքացիությունը դադարեցնելուց
հետո ՀՀ-ում գտնվելու դեպքում պետք է
օրինականացնել բնակությունը (օրինակ՝
կացության կարգավիճակ ստանալով):
Քննարկվող փոփոխությամբ
**հստակեցվել է բնակությունը
օրինականացնելու ժամկետները²:**

**Անձանց որոշակի խմբի կողմից ՀՀ
քաղաքացիություն ձեռք բերելու
համար դիմելու ժամկետի
երկարաձգում**

Օրենքի փոփոխություններով ՀՀ-
ում մշտապես բնակվող
քաղաքացիություն չունեցող

ազգությամբ հայերի կամ ՀՀ-ում
մշտապես բնակվող օտարերկրյա
քաղաքացի չհանդիսացող նախկին
ԽՍՀՄ այլ հանրապետությունների
քաղաքացիների ՀՀ քաղաքացի
ճանաչվելու հնարավորության ժամկետը
երկարաձգվել է մինչև 2026 թվականի
դեկտեմբերի 31-ը: Նախկին
կարգավորումներով այդպիսի ժամկետ
էր նախատեսվում մինչև 2023 թվականի
դեկտեմբերի 31-ը:

**Արդիական է 06.02.2024
թվականի դրությամբ:**

² Անհրաժեշտ է հաշվի առնել, որ սահմանված
ժամկետում այս երկու գործողություններից որևէ
մեկը չկատարելու դեպքում վրա կհասնի ՀՀ
Վարչական իրավախախտումների վերաբերյալ
օրենսգրքի 201-րդ հոդվածի 1-ին մասով
նախատեսված վարչական
պատասխանատվությունը, որի համաձայն՝
օտարերկրացիների կողմից ՀՀ-ում առանց
վավերական արտոնագրի կամ կացության
կարգավիճակի կամ անվավեր փաստաթղթերով
բնակվելը, ...՝ առաջացնում է տուգանք՝ 50,000 ՀՀ
դրամից 100,000 ՀՀ դրամի չափով: